

Giibiniwebinigowin Gnowendiziyin Wiindamaagewinan

Ontario Network owi SA/DVTC

Agii waabmigwo nongo giizhigad owi gnowenimigowin shkwaa amiigaanigowin e'digosing "gibwanaamigowin" maage giibiniwebinogowin. Ninda wiindamaagewin aga naadmaagwon awii gikendaman apii gichi piitendaagwog awii zhaawin aakoziwigamig, niizaanziwin aajikinigan.

Gdo miingo ninda wiindamaagewinan awii nikaaziwin apii ani biskaabiiwin endaawin.

Wegnesh owi giibiniwebinigowin?

Giibiniwebinogowin adaa maanzhiwemigad owi kwegan miinwaa wiinindib. Apii gwaya giibiniwebinind, ada madookdaagemigad owi miskwi izhijiwang wiinindib. Adaa basikaagemigad owi mina zhayaawin gdo wiinindib miinwaa minjimendamowin, miingwaa age aanin bkaan mina yaawin miinwaa indendamowin mina yaawin znagemowinan.

Endaawin Ayaawin Wiindamaagewinan:

Gdo inamjiwinan dibasaanon megwaa, amii dash bagidinogowin awii ani giiewin. Gdo giikimigwo gwaya e'penimandwad aji wiijigendaag owi niishtana ashi niwin apiinish niizhwaasi ashi niish dibagiisiwaan shkwaa giibiniwebinogowin.

Gdaa maaminanaamdaan agwa aanin pasazaawewin maage maanaaj inamjiwin. Mikwam gda nikaazan ensa 15 apiinish 20 dibagaan ensa niish amaage nisiwi dibagiisiwaan niish giizhigad minik. Ada naadimaadaan anazhisemigag gaakiidizing miinwaa awiisgi anezing.

Ganimaa agwa gdo inamjiwininan woshme ada aawinon ani niizho dibagiisiwaan maage gmaaminig giizhigag. Giigidan 911 MAAGE wewiib a'zhaan aakoziwegamig, niizaani zhayaawin aajikinigan giishpin giin maage gdo ganawenimaawasod waabmadameg gego ninda e-anizhibiigaadegin:

- Woshme anaamiwin maanaadag (zanagag awii nesewin apii zhigishinan, nonde anaamiyin bekaa yaawin, shkiwii aabaji osasdamiwin, maage miskwi temigag osasadaman)
- Anaajitowin gdo mikowin maage "anikaamidaman"
- Awoshme aanjsemigag eniwewin maage gashkitosiwan awii giigidawin
- Awoshme zinagag awii agonenjigewin maage aziizibidonan

Strangulation Discharge Instructions - Ojibwe Translation

- Aabaji maage awoshme baagigondaaginan, ogakwegin, maage ogdeninwin
- Awoshme gaagiiji ogwewewin gaawii nanaawisesinag nikaaziyin mashkiki gaashpinajigaadeg
- Aniimiziwin, biinisamanjiwin, maage jiichiismanji'o shiwe wiiwiying
- Wegowen aanjisemigag gashkitowin awii bimaseng
- Oshki maage awoshme dekwendibewin
- Oshki giwishkwewin maage anikaamiji zhayaawin
- Naajitowin waabmjigewin maage aabaji amiishaabiwin
- Misko maage amiinaandeg gidagiingwewin (petechia) gdo adoning maage gdo ishkiizhigong
- Ojibinigoowin
- Gageskana aanjisemigag gdo amakowin dibishko gonaa gwiiniwendamowin, gakina gegoon odinendaan e-wimajidoodaagwad, oshkiwii maage awoshme inendamowin awii wiisigaapanidiziyin maage gwaya bkaan bemaadizid awii wiisigaapinanad, maage zaam gichi ekoziwin/giikiimigwoshiwin
- Banangishkiinzhigwe maage shkiizhigwan
- Zhaaboondeshkaawin

Giishpin gigishkawaawasowin, wiindamaagen owi gigiibiniwebijigan miinwaa wegowen gwa eni zhibiigaadeg inamjiwinan owa gdo mina yaawin maagwed (dibishko gonaa odaapiniwaasad, maashkikiinini, mashkikiikwe) awewiib agwa:

- Naazhisemigag abinoojiizh omaamaamaa opaying megwaa gaa biinsad bimaajiiwin
- Gaa-onjizhaazoyin omiskwi injigaa maage omiskwiiwin
- Dewimisade
- Mashkowiziiwin ojibinogonan/ojibinigowinan

Agiishpin gego gagwedwewinan ayaaman owi naagodowenjigewin agaa debinaman odi Mazhiwe Agopajichigewin/Owiiijiwaagani Amajidoodaagewin Naandowechige Gamig, abi ginoshishinaang.

Gdaa abi ginozhimi odi: _____
(SA/DVTC agiigido biiwaabikoons gindaasowin)

Ndo agindaasowinyaawong aawan: _____
(Aakozii Gamig Ezhinikaadeg, agindaasowin yaawong)